

黔寧卷四下五首錄

鄉飲六列傳二 理學

工部尚書孫應鰲

內江知縣馬廷錫

叅政李渭



今已卷四下五

卷四下五

峻極之大道此孔氏家法也故其妄以孔子温故知新之旨爲孔子示人萬世師道之極則者此也公在秦所取士悉一時名碩遷四川右叅政土酋薛兆乾執叅將賀慶以叛都御史谷公中虛問計公曰叅將與天子孰輕昔英宗北狩于肅愍公數語國威益振卒返英廟今者豈恤一叅將邪谷從公議擒兆乾慶竟免于害隆慶改元陞僉都御史巡撫鄖陽以主上冲年蒞政伊始防杜宜蚤乃因境內災疏請勤學勵政親賢遠奸等十事上嘉納之

太和提督巨璫侮憲處民公劾其欺悖悍險貪謬狀上爲并遂既懈跡乞骸解薦曆初起撫鄖陽首疏加儆

擬督軍務建文无事諸臣人皆諱未敢言公推行詔書德意慷慨言曰褒揚人之子必先其父則子之心安故褒揚人之臣必先其君則臣之心安建文諸臣委質致身志節其偉陛下深爲恤錄真厚幸矣但建文君未沾曠絕之典亟復位號量擬謚法恐諸臣有知更且不能安受地下事有繫空名而輿論悉歸人心愈固者此類是也孔子作春秋每年必書每時必書見天道王政上下維屬不可缺也建文君在位凡四年盡以革除舉其筆綴附洪

武名實素著軌跡感感何以補 國家信史之缺疏奏留

中舉朝目爲昌言甲戌入爲大理卿丁丑陞工部侍郎改  
禮部掌國子監祭酒事公在監雅意持風化造人才傲呂  
公枏遺意以舉人率多回籍自便以入監卒業爲耻不知  
當其在籍師儒之訓弗及憲臣之令弗加閭黨矜其資望  
有司遇之隆重身靡所檢而易蕩及入官材質已壞莫可  
如何矣宜徵天下舉人悉入監 祖宗設太學非舉貢非  
勲胄忠廉不入祭酒司業爲 朝廷作人於內提學爲

朝廷作人於外必在內樹風教而後在外振紀綱今提學

所擴斥者盡歸之太學倒置若 此則太學乃爲提學藏

垢匿黷之所爲生員不才者之 逋逃藪與甚且至愚不肖

賫資 入咸廁其中太學之汙 蠱極矣疏上俱著爲令丙

子八月 駕幸大學公舉虞書 無教逸欲有邦進講 上

嘉納 命坐 賜茶蓋曠典云 尋以病予告築學孔精舍

於西城之陽起刑部右侍郎尋 陞南工部尚書卒 賜祭

墓萬曆壬寅 賜公謚文恭所 著有易談四書近語教秦

語錄雍諭學孔精舍彙稿續稿 春秋節要律呂分解等集

傳于世

卷之四十五

疏賢列傳二

七

七

蟻衣生曰予督學川中川中故有大儒祠祀周元公二程子張敬夫魏了翁諸公至 明止祀合州鄒吏目即司馬長卿揚子雲不得與焉蓋春之矣予至始祀公及趙大洲先生予師胡廬山先生趙故內江人公與先師後先宦於蜀者蜀人嘖嘖無異議云予入黔式先生之墓問其嗣斬焉弗續爲請諡於 朝嗚呼伯道亡兒中卽有女從古如

茲寧獨先生

黎政李渭

李渭字澁之思南府人公上有異質十五病肺屏居小樓

溽暑散髮箕踞父中憲公富以無不敬飭之卽奉而書諸牖曰攝以資檢束第覺妄念叢起中憲又以思無邪飭之又奉而書諸牖父之妄念漸除恍惚似有得及下樓與朋友咲譚樓上光景以失於是專求本心未與人接自問曰如何是本心既與人接又自問曰本心是如何嘉靖甲午舉於鄉蕭然布素許偕以一僕自隨讀孟子伊尹耕莘章則曰堯舜君民事業自一介不取始交際豈可不謹癸卯蔣公信視學貴州公謁之因陳樓上樓下光景蔣公曰樓上是假樓下與朋友譚咲却真至一介不妄取蔣公曰此



猶然棲上意思在硜硜然小人哉公愧甚以爲學十四五  
年只成得一箇硜硜小人不覺面赤背汗淋淋也由華陽  
知縣和州知州擢高州府同知至則謁湛甘泉先生於小  
嶠峒中嘗宿廉州公署夢三蛇繞身亟揮杖蛇乃走詰朝  
合浦吏以美珠進化州吳川吏以兼金進公皆叱之咲曰  
三蛇夢破矣金珠非寶固吾人蛇蝎哉擢應天治中南戶  
員外卽知韶州府先是詔有二源之役崔萼之警朱珍公  
集諸寮屬諭之曰夫子告康子不欲二字千古弭盜張本  
儻多欲則身爲溝壑竭民膏脂不足以填之百姓安得不  
盜弭山中盜易弭心中盜難敢忘自責聞者悚息入覲  
過麻城從耿楚侗先生登天臺楚侗示八語近道之資載  
道之器求道之志見道之眼體道之基任道之力弘道之  
量達道之才八者闕一不可對曰滑於八者獨愧見道眼  
未醒耳鏗必爲聖人四字甲而布之海內嘗曰孔子母意  
孟子不學不慮程子不著纖毫人力皆是不安排知母意  
脉路卽日夜千思萬索亦是母意知無纖毫人力脉路卽  
人一已百人十已千如此用力實無纖毫人力學是學此  
不學慮是慮此不慮知得不學不慮脉路任人只管學只

管慮都是不學不慮權真左叅政近溪羅公爲屯田使公  
至與之合併精神學益進門人歌青山綠樹詩因論天理  
人欲浮雲人間作雨天上常清常明狂風江中作浪流水  
不增不減知得常清常明不增不減方是學問以明日青  
山綠樹爲天理只是頓復又曰無不知愛無不知敬兩箇  
無不知是天地靈竅吾人通天地民物死生皆是物本體  
原無間斷學者不可在起戒上做工夫任他下功萬行終  
做不成如樹無根縱日栽培灌溉終成枯槁予昔日工夫  
亦有起戒被近溪大喝通身汗浹從出這身汗自是欲罷  
不能自言已於此學入白下與居和高時不同登天臺又  
覺與白下時不同與近溪遊月岩又覺與前不同所著先  
行錄答問三卷毋意篇合大學中庸易問爲一卷簡寄二  
卷雜著一卷詩一卷文二卷統十卷又著家乘十二卷藏  
於家大儒治規三卷行於世

贛衣生曰予師明廬山先生云黔中之學李湜之爲徹予  
友鄒爾瞻謫都勻時猶及交先生先生曰某爲此學拚生  
拚死不休爾瞻爲序其先行錄比予入黔爾瞻曰惜哉同  
野已物君不及見之爾已聞友人耿子健題先生墓曰明



興好學君子之墓嗚呼此足以槩先生矣

內江知縣馬廷錫

馬廷錫字朝寵宣慰司人初仕內江今二載即解組歸師事朗州蔣道林講學於桃園精舍數年始歸與孫淮海諸公聚講越山又於漁磯構棲雲亭跌坐其中三十餘年有悠然自得之趣嘗著動靜解曰萬春精通乃是聰明校葉一塵不染可窺心性本根又著自警辭畧曰抱守初心周旋世務精誠必貫乎金石志行必合乎神明必極靜極清至於極定始長覺長明以至於長存徹頭方了道入手

莫言貧其勵志如此嘉靖三十六年巡按御史金谿王公紹元薦公於朝疏畧曰原任四川內江縣知縣馬廷錫德器溫純制行古雅篤信好學妙契聖賢之經旨默坐澄心遠宗伊洛之淵源歷官三年室如懸磬家無擔石意若虛舟抱膝茅簷有飄然物外之趣甘心藜藿無纖毫分外之求論其官雖若卑職求其人則為真才疏入不報四方士益仰之督學萬公士和請公入書院為諸生師啓曰置一床於淨室佇瞻高士之臨分半席於玄門實切鄙人之望同心有利至德不孤惟先生頽似水壺形如野鶴棄榮



名而脩性命脫凡近以遊高明始看邑宰飛鳧終見少微  
應象寒潭見底占斷漁磯一灣明月當空坐破蒲團幾箇  
煉金使渣滓盡去畫馬求毛髮皆真却聽及觀常啓人天  
之鑰歛息候氣頻焚午夜之香象不着鈎牛初露地遂覺  
江山有主時將詩句傳神奚啻開南國道流實乃先北方  
學者某才非經濟職忝規模欲強人以進業而力不前顧  
省已之知非而齒則暮譬之形曲而影不直宜乎聲息而  
響遂衰然責不敢辭乃志猶未已共扶名教願借高賢猥  
誦佳章俯首有凌雲之想嘿叅上座終身成把臂之交遂

許同盟了茲一事况大隱原居城郭而獨善或非聖賢暫  
出柯廬增光書院昔曹參避舍則蓋公肯來彼韓愈卑詞  
而顛老遂至章章人物顧我輩以何慚落落乾坤報德星  
之再聚庶幾明公爲衆領袖務使多士範我馳驅經歲清  
齋諒葷羶之難染剎時出定知伎倆之俱忘衣裡寶珠帶  
得一川風月胸中丘壑携來滿座烟霞敢布俚言用催道  
駕萬公此舉與席元山請陽明先生意同第以蓋公顛老  
擬公恐未盡知公者公所著有漁磯集警愚錄汲祀鄉賢  
續衣生日王文成謫龍場黔士大夫始興起於學當時龍



黔記卷之四十五  
場生問荅莫著其姓名聞而私淑者則有馮內江孫淮海  
李同野三公云予嘗讀內江詩寒夜覺前聽雨時暗思往  
事坐如癡窮愁百結隨年長人在虛空老不知睡眼朦朧  
看遠山不知身尚寄塵寰他年觀化應何處想在虛無縹  
緲間真有朝聞夕可之意嗚呼可以不媿龍場矣

黔記卷四十六目錄

鄉賢列傳三

左叅政秦顥

右布政使周瑛

辰州知府易貴

御史陳迪

僉事朱謙

澂江知府安康

知府汪鍾

僉事李珉

主事俞璣

叅議陶心

僉事王木父津

太僕寺少卿易輝

叅議汪大章

太平知府潘時

副使劉時舉 父仁

潮州知府湯暉

參議潘瑞

左參議顧堅

行太僕寺卿侯問

左布政使趙維垣

參政繆文龍 父良玉

行人陳珊

郎中吳淮

知府符有光

黔記卷四十六

泰和郭子章相奎父著

漢州宋興祖汝杰父正

貴溪畢三才成叔父校

鄉賢列傳三

左參政秦顥

秦顥字士昂宣慰司人正統壬戌進士拜行人遷禮部員

外郎天順初奉使滇粵咨民隱歸疏於朝上多採納歷

官雲南左參政鐵索箐賊起攻殺武關馬龍尋甸公襲擒



之會御史審決有死囚九十人皆執案不辨忽省堂萬鳥  
飛集彈彈不散公疑有寃也詳鞫之得不辜者三十九人  
原之偕三司還金齒騰衝舟經潞江風濤大作舟中悉驚  
怖公獨正色賦詩有云若受賊私竝土物任教沉向潞江  
中聞者益愕風寧舟濟人皆謂公忠誠所格卒於官辰州  
太守易貴表其墓

蟻衣生曰通志載秦公官至布政予讀易辰州爲公墓表  
題曰亞中大夫左叅政秦公之墓當從表表稱公弟顯有  
臂力以軍功授正千戶卒無子公厚塋其弟遇鄉故人必  
稱長者云

右布政使周瑛

周瑛字廷潤興隆衛人其先自臨川從戎征南留守于茲  
大父以武功授千戶公補衛庠生篤志于學遠從師于蜀  
之瀘州北再期歸登景泰甲戌進士由刑部郎出知臨安  
衡州二郡遷行太僕卿廣西右布政使敷歷中外久已而  
引年優游林泉多吟咏嘗出訾脩衛學舍所著有興隆衛  
志二卷草亭存稿若干卷御史丁養浩爲序子希默希謙  
孫竿笈曾孫良卿舉于鄉者共五人

續衣生曰予過興隆求周方伯衛志與草亭稿已不可得  
惟丁柱史養浩序存於前志而萬曆志又不載丁柱史謂  
公拔流俗之中成宏博之學然哉然哉

附周方伯詩題帶水環流源發東山貫北河迴雲如帶  
湛晴波浪花噴雪寒光滿芹藻浮烟秀氣多清比滄浪  
應徹底繞流泮沼自盈科觀瀾喜識朝宗勢不獨時聽  
孺子歌○南樓百尺危樓倚碧霄登臨在景值春朝  
花點點飛紅雨柳樹依依鎖畫橋一水護四煙浪逸四  
山聳翠雲痕消遠聽牧笛兼漁唱盡是康衢擊壤謠

辰州知府易貴

易貴字天爵宣慰司籍吉水人景泰甲戌進士廷試三  
甲第二貴幼聰悟出群長通朗剛正淹貫載籍宦轍所至  
崇學校恤民隱遇事明而能斷不怵于勢利有古循良風  
歷官辰州府知府創禮儀治樂器士始知古道歸田杜門  
校書十餘年卒所著有竹泉文集十五卷詩經直指十五

卷

續衣生曰予讀吉安進士錄知公爲吾吉人讀楚紀知公  
知辰州有善政予同年許柱史子恒公彌甥也道公生平



媿媿不絕口公博極群書城北故有萬卷樓公藏書處又  
不糞除予甚傷之柱史兄弟三人皆起家詩書豈公所藏  
者不於其子孫於其甥邪

御史陳迪

陳迪赤水衛人天順丁丑進士歷官御史侃侃立朝彈劾  
不避權要尋卒于官

僉事朱謙

朱謙赤水衛人天順甲申進士以御史任江西僉事憲度  
貞肅人不敢犯居鄉益勵名節

澂江知府安康

安康字汝錫思南人總角時讀書青鸞溪常拾腐新繼畧  
景泰癸酉中雲南鄉試如京師從太史商素庵遊除南兵  
部司務歷工部都水郎中督造御用器皿減積料價至七  
千緡弘治初彗星見應詔陳言大要息輿作裁冗員詰奸  
慝以彌天變上納之弘治壬子出守澂江修政惟謹精  
誠步禱六月雨雪夷人白焚擁萬衆爲寇郡民苦之公單  
騎入穴示朝廷威德夷酋悉平南人祠祀之致政歸裝  
僅衣衾數事放情林壑絕跡公庭年七十有七卒入思石

二府鄉賢有青鸞溪集傳於世

知府汪鍾

汪鍾普定衛人成化乙酉鄉舉歷官知府居官謹嚴力辨  
冤獄彌盜賑荒致政進階一級鄉人重之

僉事李珉

李珉字美中衛輝淇縣人祖仲宜洪武間授御史不阿權  
要謫戍烏撒遂占籍焉成化壬辰珉登進士授寧國知縣  
寧國官田租重民田多爲勢豪兼併公即損益官民田公  
私稱便有白兔之瑞辛丑行取南道御史巡視上江捕僧

寇千餘始同巡撫王恕交劾中官王臣等暴橫蘇松繼同  
御史徐鏞交劾中官汪直等羅織縉紳王傳首江南中外  
稱快他如余尚書用兵失利中官梁芳等引用妖邪日勤  
章奏稱名御史乙巳命清戎四川疏奏貴州站鋪邊軍  
損糧遞送之苦上命站軍月支糧伍斗鋪軍月支糧叁  
斗鋪站之糧自公始尋陞四川僉事子銑中弘治己酉鄉

試

續衣生曰李美中父景和以美中貴封御史祖仲宜以御  
史謫蓋三世御史云當時稱李氏之盛者形之歌韻今附



二詩於左

莆田方岳詩早結雲巢隱石壁向懷何意慕肥甘龍蟠  
紫誥風雲會身擁蘭臺雨露尊畫錦聯翩榮衛水德星  
光彩動滇南鳳毛聞得新銜命便道趨庭喜氣酣○沐  
陽伊乘詩華髮逍遙覽率鄉隆恩晚歲照高堂斑衣行  
酒宮壺逸紫誥封泥玉墨香翠竹蒼松添氣象烏紗豸  
繡共輝光緘詩憑寄南飛翼引領雲霄萬里長

主事俞璣

俞璣宣慰司人成化壬辰進士授主事明敏多學忠厚慎  
密居官廉潔有為未究所施卒

叅議陶心

陶心永寧衛人弘治己酉鄉舉歷官兵部員外郎正德間  
駕欲南狩公率同列上章留之忤旨罰鍰三日廷杖幾  
斃後陞雲南叅議善吟咏

附陶叅議詩題崇福寺方外會闕別有家寒藤古木入  
雲賒鍾乳未成丹灶藥月團先試竹爐茶○題蕙蓮寺  
一名永弘庵竹密蘿深一逕過松壇晴護白雲多風清  
石潤絃鳴瑟露重岩花錦製袞玄鶴侶憐形共瘦青山



應笑髮雙皤浮生爲問同袍客廊廟江湖意若何○書  
懷青山此地可爲家絕壁烟蘿入望賒靜院日高深竹  
色古壇風細碎金花夙緣漫結三生石塵夢能醒七碗  
茶長笑一聲天地窄瀟瀟蓬鬢帽欹斜

僉事王木

父漳

王木字子升清平衛人父漳貢入太學授清苑令有惠政  
時劉瑾奉使至漳不折節瑾廷斥之遂棄官歸行李蕭然  
木生而好學中正德癸酉鄉試上春官乙榜授隨州學正  
撫按交薦召爲南湖廣道御史彈劾不避權貴歲壬午大

此士近臣主試弗公物議騰沸公糾之勲臣在戶爲民害  
公一繩以法貴戚歎手江南苦寇爲崇民無以自振公疏  
出公帑賑濟多所全活海寇董効等倡亂江洋公會兵勦  
之拜白金文綺之賜又薦大學士楊公一清尚書王公守  
仁可大任時服其知人出爲雲南僉事整飭迤西兵備公  
精覈群吏獎廉黜貪而賦性梗直初所論列權貴人共排  
公數年不調遂拂衣歸歸而嘯傲山林容與竹素晏如也  
公先世室廬盡讓諸弟暇日課子若孫子學祖歲薦炯登  
進士府同知煉舉人知縣煇歲薦教諭孫男培墀墀會孫



錢俱舉人所著有東巡集晴溪詩集奏稿藏於家

蟻衣生曰王之先以武功顯至清苑令始貢入太學繇清

苑至今五世矣舉于鄉者六成進士者一以貢舉者三何

紛郁也方逆瑾弄柄呼吸變霜露舉動移滄海彼其眎一

令不啻發蒙振落而清苑分庭抗之逆長鯨之鱗將飛虎

之翼偉哉苟始朗陵陳由太丘溯流窮源清苑之詒王氏

穀也豐矣

太僕寺少卿易輝

易輝烏撒衛人弘治壬子舉人任興府伴讀侍肅皇

帝於藩邸輔導有方及即位留守官禁尋陞太僕寺少卿

參議汪大章

汪大章普定衛人弘治己未進士幼稱奇童年二十登第

歷官參議不附逆瑾所經宦處皆入祠祀

太平知府潘時

潘時普定人弘治戊午鄉舉歷官廣西太平知府行檢端

方官多惠政歸田索居座書不愧屋漏

副使劉時舉

劉時舉其先吉水人占籍銅仁嘉靖丁酉舉于鄉父梧州



府通判仁由明經稍遷梧州攜室以往正德辛巳五月至  
大墟仁病卒舟次昭平堡時莞藤灘夷清晝殺掠時舉女  
兄辰秀聞之指江曰萬一不免死此而已遂與二庶母張  
氏郭氏相向哭賊至亟投緹囊啗賊乘間赴水死張抱弱  
息祁秀繼之郭又繼之秀年十六張二十八賊怒  
執婢僕盡斫之賊徒有公感者顧時舉繫左右手浮之江  
且曳且行乃引入巢時族子澄臥病兄時復匿側柁得不  
死翹守備劉壁索尸苦索葬昭平江上建塚木識焉時舉年  
甫十三念父櫬誰歸二尸誰厝且不知二兄倖免也晝夜

痛哭感哀之復給曰若思歸乎時舉應曰予父病死予

姊溺死予昆弟奴僕若悉劉之矣家在萬里孺子何歸乃

稍寬之居時時然書姓名淪落生存之繫于竹木上投谿

谷上流人獲竹木知有踪跡然越在架阻計未可脫又之

金谿乘賓祿梧州故人也至昭平邂逅屠者始知其詳曰

諸亦已矣獨梧州一子何忍負之遂白之官願出贖金謀

謀者說公感曰劉郎者當道親也今謂在若果于若金易

之若屬知之則金分不如願則利厚公感許諾是夜具雞

黍棗糧導山後仄徑出負至舫中覆以蓑席遂免御史張



公兩山幸時舉之出嘉賓祿之義給傳以還時奉涪罹閔  
凶約身脩業會兩山撫貴州時為吏民歷歷道三烈事嘉  
靖丙午御史蕭公端蒙疏請旌曰清流三烈事由楚雄  
令歷官陝西按察司副使

潮州知府湯暉

湯暉字伯元貴陽人年十四失恃繼母性嚴重諸子弟  
敢近弟邦鼎皆亡去惟公事以孝卒致其慈正德戊辰王  
伯安先生謫龍場公聞事之嘉靖癸巳成進士歷官南戶  
部郎出守潮州潮劇郡公割決如流至廣濟橋觀開元寺

租公毫無所緇緇紳請託不少徇瀆之再三則糊刺堂壁  
以愧絕之人由與街公甫三月改鞏昌便道歸省其在任  
思親有腸斷九迴情獨若仕逾十載養全貧之句居無何  
中飛語歸莫年以詩自娛與陳栗山唱和為多所著有逸  
老閒錄續錄若干卷公性孝友二弟出亡公從滇歸獲邦  
於普城為擇室助貲援例歷官登仕佐郎惟求鼎不得每  
以為悲卒年八十一子克俊新興州知州孫師頊今為順  
天府通判師黃祿豐知縣

參議潘瑞

潘瑞晉定衛人正德丙子鄉舉初授成都訓導攝大益書院歷陞墊江雲陽知縣兩地政績卓異陞工部主事命督建宮廟直忤權勢繫獄尋復職工竣陞本司員外郎中尋陞四川僉事雲南叅議居鄉孝友祖業盡遜諸伯季纂修衛志士林歸重入祀

左叅議顧堅

顧堅字天厚無錫人成籍貴州嘉靖壬午舉人由武陽訓導知樂平縣事樂素悍頑前令悉為澈政敗去公飲怨

任謗不滓於賄樂平大治選南道御史改北按甘肅邊境

震寧出為雲南僉事山西左叅議以南人不習水土疏乞

休致仕晉人泣送不忍去是時山西御史黃公毗檄二司

曰顧少叅見道分明蒞官動輒作譽毫於振鐸竝駕蘇湖

數膏澤於鳴琴齊聲召杜立臺為大朝端之鳴鳳分臬則

真南之赤麟山右旬宣萬井沐紫薇之露北窓幽雅角中

踵采里之風豈特知止於功成蓋已先登於道岸某不能

繫馬維駒有孤宿志親擊攀轅臥轡益驗去思其見靈如

此公歸甫艾杜門謝事惟精於醫理凡疾莫能治者輒投

以藥隨手取効活人不可勝數至於陰陽星命百家靡弗

餘已卷三百六

精透鄉人有疑咸就正於公而公應若洪鐘僉受其益卒  
年八十一少宗伯萬公士和爲銘其墓曰吳貴之秀萃厥  
身臺省馳名以榮其親鳳翔千仞出風塵龍蟠而靈鍾後  
人采里之風豈特於公而已哉蓋予夫豈外而崇其不肖

南行太僕寺卿侯問

侯問清平人舉人嘉靖間任大理太和知縣通敏愛民縣  
附郭祭祀燕饗供億費視他縣爲勞故事役里甲治辦而  
在官胥隸侵奪橫索故費常十倍問乃更爲之自祭器樂  
舞燕几屏障杯筯及巾布薪水之細皆繕治堅緻區別分  
明但令一吏一胥一苑一丁主其出入又以一吏一胥一苑  
一丁司其成由是民不知勞而官譽日起遷工部王事累官  
行太僕寺卿

左布政使趙維垣

趙維垣字師德永寧衛人嘉靖壬辰進士改庶吉士授刑  
部主事以註誤下獄得釋謫大名維垣長詩歌善樂府在  
大名著攻玉集自爲序曰予家藏片玉予愛其色頗溫衆  
叩之其響清越自予之長也嘗伴予之四方以行今年春  
欲撮一遂迺屬工理之礎砥瑒鉢予聞玉聲瑤然頃然心

竊甚惜俄而水藻玲瓏光采旁達垂之若墜差可人意成之日適予詩藁脫爰以命集歷官雲南提學副使福建左布政使永寧以芒部之亂迤西守備邵鑑請設叅將叅將劉鐘建府伐石題名公爲之記略曰嘉靖元年永寧設叅將成都何將軍卿首膺是任芒部懾何將軍威終其遷不叛而吾寧利設叅將又不獨在芒部何也寧通大江絲繭銅邊金貝鹽筴之屬舟馬上下充斥迤邐其地膏沃人厚歲卽歲旱澇如蜀扶老挈幼爭入寧境待哺寧不知也軍民又畏官府訟以財雄藩置椽及土而搽者曰是奇貨可居主臣和同假此輩日聽聽焉弄刀筆雜治恐喝以囹圄釣賄以法律畧錢安能望文無害也羔裘豹袂居居究究寧病是久矣自何將軍先子不及知此耳目親記則列侯相繼修武之暇亦稍近民事諸部曲不直皆徃愬將軍而將軍一一剖焉諸部曲人人自以爲天日復見何者曲直判而罰鍰輕也及衛司斷斷將軍坐堂上出片語折衷喋其口而奪之氣無復瞋目衝冠故態卽一日無鎮則舞鱣鱣號狐狸者羣起矣益信是鎮之不可少也人咸以公爲名言而何將軍名日益起卒爲西蜀名將公著述甚多今



多逸惟攻王集存于家

贖本生曰黔中先輩之文予以趙師德爲第一簡嚴處孤松獨立尤豔處玉山照人序事雖相交錯不失其正蓋亦自開戶牖者乎而惜其伯道也多軼不傳

軍叅政繆文龍

父良王

繆文龍字見甫烏撒衛繆良王子良王舉於鄉爲營山知縣有循吏聲居鄉憐貧濟急郡災公廬舍獨存人謂積善之報成都修撰楊慎扁之曰瑞室教授生徒多所造就如

系公繼曾皆出其門無任文明不啻已出教子文龍登甲

第以文龍貴封御史文龍嘉靖戊戌成進士授河南道御史陞雲南副使馭使夷酋威嚴竝濟歷官叅政卒萬曆十四年崇祀鄉賢

附繆大叅詩題七星關懸厓能開木怪石慣棲雲鳥語

驚禪寂鐘聲送夕照山川真不老鹿豕漫同群野興聊

厓賞楓林葉正紛○七星橋百尺星橋架半空誰將天

險奪神功倚雲掛月看飛閣設鵲浮龜見彩虹几席謾

教師度穩嶙峋只與岸爭雄半生浪跡多南北回首臨

風嘆轉蓬○題龍陽青輿史祠吾身與天下權衡有重

輕忍將一已死易拔萬民生懷疏回天力蠲租壽  
國情忠魂萬里外元不爲沽名

劍行人陳珊

陳珊字鳴仲其先廬陵人附籍銅仁舉嘉靖庚子貴州鄉  
試第二癸亥成進士授行人以忤分宜故官齟齬不達終  
充州府同知嘗銘其座右曰士大夫能以居鄉之心居官  
天下必無愧民能以居官之心居鄉天下必無請託人以  
爲名言公率清平孫公應鰲銘其墓曰厥賦伉隆厥才顯  
融厥節龍從以瑞其躬仕宦不逢業傳五經子挺八英文  
橫犀箚以昌其聲芳華光明折者若沉環岫若探密樾若  
懷公丘式修歲茲永休青山何依白雲何霏西崗何頽公  
詩孔暉信哉如歸子揚產吳產周產皆鄉舉揚產舉萬曆  
甲戌進士黔中父子進士止公家與普安蔣氏清平李氏  
普定梅氏四家云

郎中吳淮

吳淮宣慰司人嘉靖壬子鄉舉歷官郎中性行廉介居官  
慈愛貽後清白爲一時月旦所重

知府符有光

符有光思南人嘉靖辛卯舉人大理府知府操行端謹學術淵宏居家孝友爲士大夫表儀當官沉毅有爲愛民造士溥寇之平多藉其石畫馬萬曆二年祀鄉賢

員外郎沈尚經

沈尚經普安州人正德庚午鄉舉歷官廣州府同知才識明敏聽訟每得隱情而操守清白督學魏校毀淫祠寺觀勢豪多承田土或至與訟尚經剖斷均其徭役輿情感服擢刑部員外郎評廣東通志

黔記卷四十七目錄

鄉賢列傳四

教授王訓

文舉

教諭詹英

文舉

訓導趙昇

孫英民表

通判衛蘭司馬璋

州同知李濬

知州汪瀾

推官薄淳知縣楊銘同知王儼教授史銓

洪雅知縣王讓

新寧知縣楊楨

知州蕭瑛

推官韓鈺

長史李准知州薛朝如縣胡准

知縣楊樊

同知孫瀚

子重孫哀

教授王震

通判蔣有知縣注大有

南溪知縣路義

通判田毅

通判安孝忠

桂林同知趙遠

知州胡裕

教諭張繼宗  
主簿陳表

知縣雷景屠鸞

知縣楊鸞

漢州知州楊文

知州華剛

教授周武卿

耀州知州陳文學

重慶府同知范府

推官張濟

同知唐彛邵華譜  
吳鴻儒  
係科

沈齊

遂州知州楊振文

同知劉恒

教諭朱卿  
同知朱官知縣  
任成陳喜

同知潘大武知縣潘塗

知縣文彥鎬朱儼史載澤推官徐敷政封副使姚璋

知州李輔

通判蔣廷璧

同知許奇

同知雷鳴陽

知縣王効義

教諭李純

主簿戴璧

知州姚大英同知丁文華

同知羅廷賢

任效忠知  
縣郭宗陰

贈御史李梅

王訓



黔記卷四十一

泰和郭子章相奎父著

漢州宋興祖汝杰父正

貴溪畢三才成叔父校

鄉賢列傳四

教授王訓

王訓貴州衛人博學知兵工詩文年十八上保邊政要八策宣廟嘉納之宣德乙卯中鄉試正統間以都督吳亮薦授儒學訓導教法嚴整文化聿興足以綿最後來著龜

多士郡學制度草創訓與副使李睿極力營建正統十三年麓川思仁發叛尚書王驥總師討之辟訓佐助十四年苗獠攻圍新添平越等衛尚書侯璉辟訓贊畫不閱月圍頓解論功陞教授成化二十三年御史臺瓜竝蒂有司以聞訓爲嘉瓜頌頌曰明受天命奄有萬方貞元會合君明臣良維 皇繼統景運彌昌至和協通發爲嘉祥南國之臺園有瓜瓞綿綿其蔓澤澤其葉和風長養瑞氣凝結兩實竝蒂六本同列含英吐芳蘊秀流香金膚玉質雪水冰凜形圓而直色正而黃臺臣稽首獻于 明堂曰此嘉瓜

我 朝之瑞肇自 高皇龍興草昧適當其時風雲慶會今我 聖君德信功配仁風化雨洽于遐邇天人交感得此頑嘉再產斯瑞視昔有嘉實由天眷喜我 國家至治之祥太平之効天子萬年永綏億兆小臣頌歌以繼舞蹈公強仕時當道妻薦皆引避晚以子貴封武畧將軍副千戶卒年八十有寓庵文集三十卷并孫子註解公無後所著書逸不傳公又有讀書臺在城北三里許白岩山半公歸田時所築臺下壘石作院鑿池雜植花卉有琴案棋枰皆假石爲之常與客遊玩於此今亦廢



續衣生曰王教授始為王尚書辟既為侯尚書辟不為不  
遇矣予讀其詩一則曰王關牢落天門遠誰獻平蠻第一  
功一則曰填海已無精衛力憂天空有杞人心若傷於世  
之莫知我者豈二尚書之知皆語言文字之好而非真知  
邪因附其詩于左

附王武畧詩○永祥寺真趣亭城上芙蓉傍水開翠微

深處結蓮臺青獅擁坐菩提現白馬翻蹄內相來花雨  
有聲喧貝葉條風無力掃蒼苔禪心淨似方池水夜月  
光中絕點埃○南庵淨度招提舊結茅地偏廡不遠塵

薰山屐倒接城邊路水口斜通郭外橋深院落花無客  
掃空門掩日有僧敲忘懷好結蓮花社分付山僧早見  
招○客夜詩四首○瘦馬蒲鞭控朔風山如列戟路如  
矛窮荒未必堯封到絕域曾勞漢使通暴客尚存愁逆  
旅奸諛不死恨英雄玉關牢落天門遠誰獻平蠻第一  
功○百戰休題馬上勞烽塵久不到征袍曾于丹徼題  
三尺羞向青銅見二毛壯志于今成潦倒芳名自古屬  
英豪夜窓獨坐誰知已銀漢無聲北斗高○寥寥番語  
夜無眠風滿長空雪滿天客思宛如千里外人家不是

十年前重來轉覺蠻山險老大方知世路偏此際有懷  
難自遣好憑杯酒共詩篇○野猿啼斷夜沉沉山館挑  
燈只苦吟填海已無精衛力憂天空有杞人心亡羊路  
險豺當道倦鷓巢寒雪滿林和得陽春徒自爾更闌無  
處覓知音○送陳昌歸隱東山百里花封早桂冠東山  
深處好盤桓公卿不入新來夢父老猶思舊任官鞭犢  
試耕雲半畝聞鷄常臥日三竿不應海內思霖雨却使

蒼生望謝安

教諭詹英

詹英字秀實玉山人戎籍于貴正統戊午鄉舉授四川會  
川衛訓導時滇有木麓川之役會川與滇隣而英祖居在  
貴貴兵入道也乃上疏言邊務十三事悉行之是時中官  
王振柄于內王靖遠領東南兵十五萬轉餉半天下中瑞  
子弟因緣爲利莫上疏論靖遠貪功窮兵老師費財海夷  
金寶盡走京師閹宦乳童立功西域疏奏上大異之詔  
即往叅其軍公恐事掣肘非便自詣闕以不可狀辭公  
卿聞其至皆欲識其面或納交或招致爲重客或欲薦以  
臺職處之會已已之變止歸川滿考轉雲南河西教諭雖

去蜀猶憂其患疏薦可撫蜀者侍郎張固上可之蜀賴以安公卒二十年大理寺副詹恩公孫也請于編脩羅玘表其墓曰嗚呼正統己巳之先變未釁也而四方亦既騷動日入于多事者矣而跡遠小臣有能奮不顧身言天下事如君者而天子又能聽之不徒聽之而又用之當時大臣不徒不沮之而又欲薦之是可謂不諱之天朝而言猶不墜于上聞也故雖遭是莫大之變而卒亦莫之能災者豈無自哉公所著有止庵集今逸不存

續未生曰麓川之役舉朝卷舌內則劉忠愍諍之外則詹教諭諍之劉以言階既竟死於獄而詹幸免其身不逾時而有土木之變窮黷之阼人如此嗟嗟臺者寒蟬而諫論出於講諭師儒之口亦足羞矣

訓導越昇

孫英

民表

越昇宣慰司入宣德間以經明行修召將授館佐職會四

川播州宣慰司求明經師化夷遂授昇播州學司訓尋卒于播三世孫英字德充剛方正直無戲言惰行從叔宦湖南家口流落英間鬻歸之年已二十八發憤讀書七年以弘治甲子中雲南鄉試任瀘州知州好善嫉惡守正不

阿弃官歸行李蕭然家食三十年絕跡公門闢蔬圃于西  
關門外因號西園日靜坐其中作詩文自娛觀書課子明  
農蒔樹酒不入唇諸無所嗜好卒年八十一憲長胡竟時  
銘其墓銘曰越氏好義遠自伊祖亦有冷人性剛心古急  
戚之難十年于楚顛沛歸來一經攻苦晚學夙成名薦于  
京儒官豈誤聊養我親士曰師嚴尚有典刑大夫曰諭憲  
安子之貧謂予宜簡予臥治民臺論如此道其可行胡不  
歸與以保我真非非是是付之鄉評蓋桂之性既老逾辛  
如有罪我亦諒予心嗟公直德宜而壽而寧昭融福澤豈  
在後人子民表嘉靖丙午鄉舉官長史性耿介時遼庶人  
不法直言見廷卽拂衣歸居家老友人無間言所著有閩  
書評識四卷兄民望弟民牧皆舉于鄉

附越昇教場詩烟柳朦朧曙色迷月痕微映壘門西雲  
開王帳陽烏見風震雕戈鐵馬嘶兵衛周遭慶虎豹注  
旗搖颺拂虹霓請看大將春蒐處萬隊貔貅繞令齊○  
題安南衛迎祥樓詩峯巒環合逸山城笑元高樓聳太  
清雅稱桓伊來弄笛好數子晉坐吹笙笑踏月妙非無  
侶臥聽吳河若有聲裊裊封章何日上徒觀幾度望瑤

京

通判衛蘭司馬璋

衛蘭平壩衛人景泰庚午鄉舉明敏廉潔喜談兵好論文聽者忘倦歷官衢州府通判同時有司馬璋普安人景泰庚午鄉舉雲南廣西府通判賦性剛介守己清儉居官有聲

州同知李濬

李濬思南水德司人由歲貢任臨武主簿天順庚辰峒苗以萬衆入寇時濬率衆保舜峰寨以拒之賊環寨而攻者

三晝夜蓋寨爲均義故壘也四壁斬然隱隱見陣堞濬出死力率先壯勇驅石曳柴以助聲靈卒于完師而救者後馬寇退樹柵列戰卽衆若部落然官師總取羈屬而已冬十二月苗人再入寇以報舜峯之役而釋械於濬時已有土蝶可依民旣經戰守諸凡攻禦之具亦粗備矣城中煮毒藥膠於鏃以中人無不立死者圍數日賊中藥死者半竟無所得而去八年又合衆大舉數且二萬計連寇城下者再不克轉攻桂陽城陷之時則知縣陳鏗至而將衆保城運算出奇舉濬之力也陞山西蔚州同知

知州汪瀾

汪瀾宣慰司人天順己卯鄉舉嘉定知州事繼母孝處異弟友族人有流落夷方者冒險收之且爲之立業畧無吝色

推官薄淳 知縣楊銘 同知王儼 教授史銓

薄淳字宗厚普安人成化戊子鄉舉鶴慶府推官方正不阿居官清慎同時有楊銘字德新成化甲午鄉舉富順縣知縣澹泊清雅不尚文飾王儼字望之成化丁酉鄉舉南康府同知儉慎朴素取重鄉評史銓字秉初教授告志篤學老而不倦致仕歸以先輩自居後生小子見之肅儀以上皆普安成化間人

洪雅知縣王讓

王讓貴州人成化末知洪雅爲政平恕真心愛民去時囊無一物衙後有手植柏至今呼王侯柏

新寧知縣楊禴

楊禴字希祥宣慰司人弘治戊午鄉舉性至孝母曹嬰心疾每一發輒顛往往如不克生禴號泣以隨飲食依曹爲進止露禱於神求以身代曹之卒也哀毀骨立杖而後興



竭力營喪葬具幾成瘞守服三年如一日甫舉於鄉父星  
星垂白檜眷戀不忍離左右人強之仕不應終養十餘年  
父卒始投牒授新寧縣值流賊破殘之餘多方招撫安集  
士民懷德解組日亡以爲行李家居訓子不入公門年八  
十餘卒尚書蔡潮銘其墓孫應鰲表于道子文炳府照磨  
文煥知縣孫其寧以寧俱府通判之寧府同知玄孫世華  
舉人人以爲孝子之報云

知州蕭瑛

蕭瑛宣慰司人舉人弘治間任馬隆州知州嘗尚奉以開

拓州治易地以分置民居解官歸家徒四壁立

推官韓鈺

長吏李淮

知州薛潮

知縣胡淮

韓鈺普定人弘治己酉鄉舉授推官持身方正廉平乞休  
歸田足跡不履公門家甚清貧同時有李淮弘治乙卯鄉  
舉性孝行鈺任兩京國博陞崇府長史文章德教俱有可  
稱七疏乞歸士林雅重薛朝弘治壬子鄉舉歷官知州有  
聲雖燕居正襟危坐不爲權貴所撓胡淮弘治乙卯舉人  
嗜峩知縣在任愛民造士捐俸築城歸家教子睦族助隣  
入名宦以上皆普定弘治間人

知縣楊樊

楊樊宣慰司人成化庚子舉人弘治間知太和縣有能稱時解字傾圮召估金以千計工以萬計樊曰姑已之待明年人莫諭其意春正月卽諭民應造版籍各令枚狀樊察知舊事吏筭里書應索民數千金候官累萬入遂親督寫造毫末不遺人役力之工畝科石一片民視往昔減半費皆樂於赴工帑不啓鑰而事竣吏人竟不得索民一錢不

同知孫瀚

子重孫哀味韻韻賦

孫翰清平人官府同知孝友純厚端直嚴毅萬曆間入祀

子重字威卿正德庚午鄉舉綿竹知縣綿竹民生事險隘重直道不苟狗俗偃仰悉出心力節罷劇蠲橫輸約雜絲過客厨傳如式不飾刻露勳梗與相戒不敢犯縮首遜去竟以是妻菲君改國子學正雲南左衛經歷歸則攜杖屨徜徉賦詩垂二十年謝絕達貴不接卒都御史張岳銘其墓銘曰君於孫子昌以遺成都之桑梓也君於子孫昌以穀波浴乎眉水之蘇也累彼戎荒煌煌乎上國之光也繹君世德信是幽章曰唯外文氏之所賜也子襄嘉靖丁未進士官至御史

教授孟震

孟震貴州宣慰司人成化丙子鄉舉正德間任雲南府教授脩潔簡默在任九年未嘗妄言笑三日一課諸生令屬文違者輒笞責之諸生於父兄鄉黨稍有違犯無弗知諸生皆恐恐守業不敢嬉遊郡中至今言教規必曰孟師公兩典文衡六任教職皆有賢聲士大夫稱六學先生

通判蔣有知縣汪大有

蔣有普定人正德間以貢任曲靖府判革積弊遺有程規當道屢旌異材陞鎮南知州居官清慎彌盜安民卓有聲聞以疾歸政去後無餘蓄重義輕財尤篤孝謹同時有汪大有正德丙子鄉舉授知縣居官清慎以疾乞休募修衙志是非不奕著有陶陶亭集宋元品藻紀畧

南溪知縣路義

路義宣慰司人成化庚子舉人正德中知南溪却魏遺釐姦弊修城捍賊民賴保障

蜀志

續水生日子讀四川通志路南溪義却賂擊姦築城保岷趙敘州遠不攜妻子一僕自隨皆有古良吏風而黔志遺之則非獻不足而文不足也今依蜀志補傳



通判田穀

田穀思南水德司人成化丙午舉人少穎敏勤學年十九領鄉薦性方嚴精易學家之子弟鄉之後生及門受業者甚多授新津尹清慎嚴明賑窮鋤姦築城修學陞曲靖府通判尋以親老乞歸嘉靖十五年知府洪价採士論入祀

通判安孝忠

安孝忠思南蠻夷司人弘治辛酉鄉薦授寧國府通判操持清介遇事迎刃而解職董儲餉無催科之擾時武廟幸公署府篆勞勩萬狀事辨而民安之予以親老乞歸養杜門讀書年八十餘卒隆慶元年祀

桂林同知趙遠

趙遠永寧司人正德庚午鄉舉任敘州府通判署富順天性儉約甘清苦官舍一僕自隨不攜妻子節省財力鼓舞生徒邑人爲立遺愛碑歷官桂林同知

知州胡裕 教諭張繼宗 主簿陳表

胡裕安莊人成化丙午鄉舉官知州時禦寇安民有功歸家清苦其後本衛有貢生張繼宗任教職倡正學嚴課程歸家教訓成就甚多貢生陳表爲資縣主簿剛介持身勤

廉蒞事以年老致仕

知縣雷杲

雷杲都勻人以貢任知縣貌古心純博覽群籍丞黔陽令浪穹兩地俱立生祠後有屠鬻亦以貢任知縣廉介不阿正德間尹江夏因忤劉瑾調廬山省刑均徭興學賑饑善政種種時天全招討高繼恩等合圍攻城守禦有方城賴不陷廬人立遺愛祠祀之

知縣楊鸞

楊鸞威清衛人四川雲陽知縣器度宏雅莅政循良乞休四十餘年公門絕跡衛之仕宦多出其門

漢州知州楊文

楊文平越人正德中開縣訓導攝縣事盜賊猖獗薄城率衆力拒城賴以全陞東鄉知縣流賊剽掠文多方籌畫卒擒首惡尋陞漢州知州歷官一十八載囊無餘貲

知州華剛

華剛都勻衛人監生正德間以杭州府判陞彌勒知州明察強毅有爲有守十八寨賊首阿勿等聞名喪膽輸納逋稅暮月間法令大行惜以狷介見忌於郡倅卒于官州父

老至今頌之

教授周武卿

周武卿興隆人正德間任教授造詣高明踐履篤實鑄銅器以供祭祀讓祖居以睦弟兄親老乞休萬曆四年入祀

耀州知州陳文學

陳文學字宗魯前衛人少事陽明先生弘治丙子鄉舉知耀州三年調簡不果赴杜門養癯一切世故罔預稍閒卽與聖賢對倦則覓故紙臨古法帖以自娛賓或至下榻清話論文談詩博奕嘯歌隨意所適至忘晷刻雖畜於治具

亦未嘗不歡洽也自耀歸日者言歲將不利公自作五粟先生誌五粟者公號也後二十餘年始疾有客問疾談笑慰籍先生曰別矣善自愛宍谷去危坐而逝所著有耀歸存稿餘曆續稿爛移聞錄今統名陳耀州詩集

蟪衣生曰予讀五粟詩有贈汪識環歌云慨昔陽明翁過化此邊疆萃萃龍場岡夙願終當償篤言道阻長吾道歌滄浪又借陽明集詩云不拜先生四十年病居無事檢遺編義文周孔傳千聖河漢江淮會百川則五粟之學有自來矣五十作自誌宛然五柳家風晚年自名爛移生而自



序曰沙中淘金箴中取聚入眼不煩於時有補其自任良亦不小豈徒作黔中一詩翁乎哉

### 重慶府同知范府

范府字季脩貴州官籍湖廣宜城人正德丁卯鄉舉授巴縣學諭大賊藍鄙起都御史見素林公召置戎幕一切章奏口授代草撫剿機宜預議未幾丁艱去補遂寧令遂寧東去縣治遠民多不馴府爲諭善良剪強梗倡亂者居民帖然增修石城不費財不妨農而功就緒至今屹然陞雅州知州蘆山縣隣天全招討司先是招討使高文林及其孫高維恩等占蘆山土地頗年劫殺 朝命討之遊擊將軍曹某與戰不利士兵死雅大爲民害府乃請於當道散之身入招討司與副招討楊世仁約兵夾攻文林夜奔縊死林奔縊思逃誘六番作亂府行間設伏卒擒縊思復爲蘆山修城其壯固亦如遂寧陞重慶府同知未幾致仕歸城外二里許有唐山洞與鄉士夫耆彥能詩文者約爲溪山詩社久而成集因名唐山倡和卒所著有唐山楚辭樂府詩集藏於家

續衣生曰范季修四仕俱官於蜀其切而壘也陳御史講

黑詩卷之四  
呼可以觀人心矣蜀士衣章盈帙今附楊公名一篇

編脩揚名挽詩湛露凝藜薄玄雲暗郊丘哀鴈自南來  
飛繞城土樓日銜三尺縑顧我嗚啾啾展書細甃之點  
畫如林璆乃知唐山翁已作瑤池遊讀未及半幅淋浪  
雙淚流吉人薨多福神鬼或相讐功高位不副才大時  
難投古來事每爾英雄奚疑憂倚劍賦七哀擊荼歌四  
愁獨有百雉垣惠澤千年留願以循良傳遙緘慰九幽  
推官張瘠

張濟安南人正德丁卯鄉舉魁偉沉毅舉動光明任福州  
府推官骨鯁有才民皆頌德以改調遂不復任捐金助貧  
絕跡公門

同知唐彞 邵華譜 吳鴻儒 孫科

唐彞字天彞普安人正德丁卯鄉舉歷官府同知資性坦  
夷不事表暴淵才茂學居官有聲動循典章雅尚恭儉慕  
修實錄綽有史才邵華譜正德丙子鄉舉篤學清操超然  
不群如釋商人之誣盜登妬婦之鵠夫皆其政蹟之可紀  
者以子元哲貴贈叅政吳鴻儒字文伯嘉靖乙酉鄉舉天

資仁厚操履端方氣溫色和信道明義家庭之間克篤孝友精於三易後學多出其門孫科嘉靖己酉鄉舉甘貧孝母父暫不淪巡撫王諱以檄褒之有一介不污之語以上四同知皆普安人

### 沈濟

沈濟普安生員志向高明養鄉隣之窮獨殯朋友之親喪出積賑貧置田睦族

### 達州知州楊振文

楊振文宣慰司人嘉靖壬午鄉舉守達州政平易不事苛刻歲類旱又多虎責躬禱神雨隨注一日虎斃者三民德之終臨洮府同知孫秉鉞雲南副使秉鐸同知起瀛舉人

### 同知劉恒

劉恒宣慰司人嘉靖乙酉鄉舉任府同知謙恭正直以母老乞歸部民保留弗獲爲立遺愛碑以識去思家居四十餘年屢舉賓飲以子秉仁貴封右僉都御史

### 教諭朱卿

同知朱官

知縣伍咸陳喜略

朱卿安莊人居家仁讓處事和平嘉靖間以貢爲涪州校官稱名師云同時有同知朱官嘉靖戊子鄉舉歷官府同



知以母老歸致鄉評推重製器於文廟置義田於家塾  
每多義舉知縣伍咸嘉靖乙酉鄉舉峽江教諭捐俸修學  
分膳周貧陞南川知縣改泮庠新城郭士民立生祠入名  
宦陳喜略嘉靖丁酉鄉舉授睢寧知縣築城平盜多有異  
政親老歸養訓子著書修學建橋鄉人稱之以上皆安莊  
嘉靖間人

府同知潘大武

知縣潘塗

潘大武普定人嘉靖戊子鄉舉知江油平易近民片言拆  
獄城中多火災大武拜而火息白去平番戍卒及金井夫  
錄民到于今使之陞趙州知州歷官曲靖府同知致仕  
作資陽知縣捐祖業讓于昆弟倡明鄉約以聯族里同時本衛  
有潘塗嘉靖庚子鄉舉授保山知縣治政有聲保山有保  
民歌頌去思碑陞台州以疾告休歸日台人自以車馬丁  
力遠送千里不忍捨去居鄉孝友著聞信義推重

知縣文彥鎬

朱儼

史載澤

推官徐敷政

封副使姚璋

文彥鎬新添人以貢知威遠縣彌盜安民政聲大著坐事  
去官部民爲之號泣遮道同衛有朱儼以貢令伊陽好士

愛民嘉靖初上南巡道伊陽極力支持欽獎治行天下第一  
一吏載澤以貢任武隆知縣居家孝友入任廉勤自丞而  
令由壯而老終始一節徐敷政正德丙子鄉舉任成都推  
官蒞官清慎居鄉恭謹好汲引後進多所造就姚璋幼業  
儒長以養親故棄之教子成名嘉靖中以子貴封副使謙  
慎自持卓有古風以上俱新添人

### 知州李輔

李輔宣慰司人正德庚午鄉舉嘉靖初知蒼溪縣歲歉民  
窮盜賊紛起輔捐俸賑貧推誠馭眾盜自解散民亦底寧  
附嘉定知州

### 通判蔣廷璧

蔣廷璧字文光普安人嘉靖壬午鄉舉由青城教諭歷國  
學陞元江通判遂恬退不仕以子宗魯貴封戶部主事孝  
友端方忠信修儉約寡言笑耻談人過失一時士類景從  
叙其教者多所成立尤嚴毅教子詳著家訓政訓等書子  
宗魯官都御史別有傳孫思忠思孝俱以科第起家

唐荆川贈詩早遊鄉校已知名曾與賓興聽鹿鳴修行  
明經為博士夏孩春誦課諸生官無鼎食千鍾願老有

鄉園十畝情更笑贏金何所用仙卽作吏比水清

府同知許奇

許奇字文正貴州衛官籍泗州人嘉靖辛卯鄉舉授巨津知州巨津夷地故無署公寓湏借寇之檄交馳道路若太和昆明鄧川趙姚皆公寨帷之地大者廉幹聲五載憂去復補祿勸州四載遷順慶同知公性謹厚亦大有執持若事關利害持之更急會有大寇爲民害者業已就擒廣行賄囑爲解監司欲釋之公力陳不可遂大忤監司又鹽課無徵者院議均攤於糧公建白以爲課生於井糧生於田齊民無業於井而使代鹽是甲疽而乙之困也又大忤直指免官歸以伯子一德貴封御史一德辛未進士御史副使仲崇德知縣季裕德府同知公卒左使王公來賢銘其墓曰崑山監田連城附麗如執左券如取諸奇子孫繩繩衣冠如雲首龍峰嶸燕瞻芳芬霽虹濬流南峰織文佳城葱鬱元原若堂三秀發祥枝葉輝光請視貞石高風永長鵬永生曰許順慶初授巨津夷而無署困矣九載巨津祿虧益困九載州守稍遷郡丞猶然五品也則又困而又以逆監司去則又困乃知其困而亨者故有在那伯子柱史



而公以柱史尹令郡丞繩繩振振而公以八十令終仕宦  
務速化而改步覲矩以就之眎公媿矣

府同知雷鳴陽

雷鳴陽永寧衛人嘉靖丁酉鄉舉少失怙篤孝事母居喪  
廬墓感甘露降宅有記後官浙杭郡丞卒於官杭人哀之  
緡紳輓章云累籌海寇輸患惻一戰淮陽奪錦襄

知縣王効義

王効義畢節衛人嘉靖間任富民知縣惻偏無華性惟恬  
靜歷縣二載囊無餘貲解組歸來甘辛茹苦不改其素

教諭李純

李純清平人任教諭孝友溫恭篤志力學拍俸贍族撫育  
遺孤不事華靡有古君子風歷官三庠以身立教去任既  
久人猶思之保康洪雅二學俱祀名宦

主簿戴壁

戴壁印江人嘉靖間以貢任富順主簿謙恭孝友不愧古  
人常寓燕邸同旅病甚壁親嘗藥餌顧念益虔同旅得不  
死且同寓甚久相對如嚴賓其悃厚類如此學憲謝公東  
山聞其人尚慕之及按部壁已逝矣遂檄所司迎祀

知州姚大英 同知丁文華

姚大英烏撒衛人嘉靖丁酉鄉舉永昌府推官視府篆為  
二年清介不染按季校諸生毀淫祠清吏弊人心悅服及  
遷惠州知州去士民泣送者載道甚有至二三程不忍釋  
者在惠州守官如永昌莫夜却金士民交頌之萬曆十四  
年崇祀鄉賢雲貴通志俱載同時本衛有丁文華嘉靖壬子舉於  
鄉官至府同知歷任廣元犍為蠡州成都皆有政聲所在  
有祠在平人立於館去文溫恭誠之 邑人亦觀其

府同知羅廷賢 任效忠 知縣郭宗蔭

羅廷賢思商人嘉靖壬子舉人行己以聖賢為律飯蔬衣  
布事孀母視寢疾身不解帶育訓幼弟明賢不就外傳業  
擅明經馬歷官府同知卓有賢聲入四川西充縣名宦萬  
曆二十年祀鄉賢同時有任效忠嘉靖丙午舉人性孝友  
敦行誼歷官府同知精敏廉慎偉績懋著祀鄉賢郭宗蔭  
嘉靖甲子舉人端方耿介事伯兄以恭謹稱少讀書獨處  
一室隣婆有奔者正色巨之斷壘刻志布素戒奢振鐸叩  
州峻卻修費捐俸濟貧士王翰等皆尸祝其家擢令鄰水  
倡正學獎節義褚國賓等遮道攀留豎碣以永其思掛冠

林下彌勵清修絕跡公庭不爲私謁蔽屋三楹荒田八畝  
居然寒士可以風矣以上皆思南嘉靖間人

### 贈御史李梅

李梅字元年貴州前衛人爲諸生累試高等三十年竟不  
偶會從孫蒙亨舉於鄉遂謝學宮曰李氏讀書今有種矣  
何必乃公杖策偕蒙亨至燕道出桃源蒙亨方就婚令舍  
令父行事公留公爲掃除外舍舍人暮夜引白金爲公壽  
公叱去之絕口諱其事令廉知之大嘆服伯兄官大寧諭  
卒公奔赴迎櫬歸中流舟覆公身翼櫬浮水上誓與遺骨  
俱葬江魚已赦至得免若神相之者業師家病疫死喪相  
尋舍人成避去公曰死生有命在三之義寧能超然也躬  
醫藥調護之卒亦無恙公以子時華貴封重慶推官沒祀  
鄉賢萬曆辛丑年覃恩贈御史

### 舉人吳鋌

其文正身宜

吳鋌都勻人幼孤鞠於伯氏嘉善初從桐城歸尚未知名  
時鄒公爾瞻謫勻得鋌卷擊節曰此豈第一士聞者駭之  
已督學李公學一馮公時可後先校勻士俱首鋌萬曆壬  
午舉鄉試第一鄒公時勗以正學鋌默默頌之不吐一語

嘉善志作  
嘉善志作  
嘉善志作  
嘉善志作



鄒公去勻鋌益下惟自砥礪聖學有圖日課有紀五經手  
自抄寫勻士多從之遊鋌亦毅然以師道自任夜潛坐常  
至鷄鳴一讀書聲朗朗徹曉思及父母早塲淚沾沾下坐  
是多病連上春官不偶卒亡以爲殮同年侍御李公時華  
助之歸鄒公銘其墓曰有烏于此其文五色宜瑞王國鼓  
翼何之俾吾求其故而不得君豈厭塵寰之偏仄者邪噫  
蠟衣生曰都勻開郡以來未有發解發解自吳生鋌始未  
有拾遺拾遺自陳給事尚象始然皆玄雪鄒門者爾瞻不  
幸謫勻勻幸爾瞻謫而成二賢也常交入閩而歐陽行周  
著韓昌黎刺哀而盧肇易重顯古今賢者達材豈異軌乎

卷四十八目錄

鄉賢列傳五

文苑

僉事邵元善

長史劉汝楫

知州周文化

身史隱效辭

金華縣志

卷之八

代周文

黔記卷四

南三皇古史記

泰和郭子章相奎父著

漢州宋興祖汝杰父正

貴溪畢三才成叔父校

鄉賢列傳五

文苑

食事邵元善

邵元善普安州人嘉靖癸卯舉于鄉初為嵒峨知縣陞戶

部即謫通州改涿州以誣被逮釋之謫辰州府通判四十

五年吏部尚書嚴訥言今考察後懼雜流冗職尚有遺良



乃創立訪單發來朝官令各舉所屬府佐以下治行卓異者送部議處蓋位卑祿薄之臣或自棄於進步之有限或自懈其作興之無由苟且隳隨無足過責而中有克自樹立者非蒙蔽不能也故國初有以典史擢都御史如馮堅以直廳歷布政司如王興宗者臣亦欲倣此意間超擢一二以鼓其志如此則斥幽也觀典之外又施于不測其陟明也資格之外又加以非常清時盛治裨益不少至是乃擢元善爲四川僉事蓋以治行卓異超擢從近例也公長於詞賦州南三里有碧雲洞外狹內曠懸崖怪石不可名狀公暇爲之賦序曰碧雲洞者玄深奇絕吞納衆流中含萬象呈美表越不可勝殫昔天官太宰涪陵夏公書其壁曰天下奇觀名實不爽矣然以地處幽荒曾不能按太史之迹而名列於圖錄所謂托非其所豈虛語哉伸紙作賦曩有表於方來云推古今之物理慨巨靈之神元眞萬彙之位置配真宰之自然惟茲洞之奇妙非此胡其誰先承滇首黔面坤負乾吞三川而爲一納萬壑之風煙翠屏當門以危立雲石塵亂而懸垂鬱瀕洞而噴出翬重沓而翔飛青黛綠玉煥綠生輝顯敞腫臃乍明乍蒙踐莓苔而

始入迥然躡蓬萊之仙宮飛流澎湃落之落之掛清光於  
露壑晨光熠燿煙霏漠漠象啓明於閭闔雨其峭壁如肺  
厚薄殊形擊之而神狂清越扣之而球玉哀鳴雜流泉其  
間奏恍聞廣樂於洞庭綠波澹之金汝淋漓當盛夏而疑  
返入隆冬而溫庶此其洞壑之醞釀而氣候之均齊也駭  
陵陰之地室穿窈窕之洞壑上峴崢以鼎壘下蘄巖而崑  
嶸取塵世之踪跡分洲渚其脉絡雖假曜於松膏乃須臾  
而有獲是進目朗豁然陽開割天梁之高館偉造化之鳴  
裁縱耳目之觀聽駭神職之恢弘仰矯首以高視矧目冥  
眴而亡見徒徘徊以復徨矧矧而昏亂於是斂衿恣  
坐發蓋揮塵凝神定志以遊以觀望天窓之洞啓漏陽靈  
而迸射中無微而不照燦明珠之不夜既次瀦以趨朗亦  
鴻紛而糾錯恍天宇之浩蕩矧厥高廣而不可虛量度湯  
湯驚波滔滔駭浪觸石則電激雷奔安流而淵渟演漾夏  
潦旣盡澄潭載清瀟石分沙坐空明而數遊鱗飛濠梁之  
逸思得世外之間身沉波潛溢去無止極噲石清瀾此焉  
遊息轍轍珍臺日以流雲越潢溪而超嶽聊肆志以怡神  
景炎燎燭浮煙滿宮祥光灑氣浮游空中信鴻筆其莫狀

何繪事之能容乃有碧眼胡奴依倚巖阿儀狀突兀舞袖  
婆娑西方佛子東土大主或踞石而跌跏或躡厓而仰喙  
絕壁巖巖有龍升天華蓋垂珠鱗甲新鮮虎豹獅象大小  
殊狀斯乃靈液之所融結故經歲月而益長石龍之下懸  
水之瀆晶石爲因猷畝勻紆高低連絡濞騰困輸天草琅  
玕羅列續紛酌玉醴以解渴茹芝英而願神將呼龍而鞭  
亂乘雲霧而爲霖尋不死之大樂與古仙之所云削壁嵌  
空鳥道才通窅然一竅而莫知其所入非夫羨門亦斧其  
吳從冰丹膏靈紫泥舊封丹器畢具煙霞豐融雖靈仙之  
幻蹟亦譎詭而奇工天窓之裏浮屠崛起上柱天極下帷  
地紀界天光而兩分蓋日月之所蔽彌乃若層級之狀玲  
瓏之象大小遠近踈附拱向青蓮倒垂緇衣指讓盡般蘭  
之苦心曾不能萬一其模倣者也天宇晶瑩玉雪飛空浩  
然上覆拜包蓋容靈奇恍惚變現出沒丘阜奧窟施靡延  
屬容光所造蘭膏是續爾乃結裳攬衣岑岑高躋猿狖避  
蹟潛虬登梯仰通天而直上俯萬山而皆低坐石牀而少  
憇復迴眄以神迷但一氣之鴻濛分仙凡其在斯吾亦莫  
測其神妙之若此即方壺蓬島其誰知想八駿之皇輿汎



覽乎崑崙之墟遺神州與赤縣即黃帝之仙居倘荒忽而  
謬矣即此况其焉如遠眺川原平楚寒煙林麓之饒彌臯  
被什溝湍脉散沃野墳腴黍稷油油芳樹離離涌川匯瀆  
渺渺悠悠水當春澹綠花夾岸而芳柔周道臨溪而紆曲  
恣士女之行遊擬桃源之幽秀豈金谷之人謀亂曰仰止  
至人廿遯巖韜名晦迹含玄光遺世獨立還太清何必飄  
舉朝王京廣入空同與世忘洽栖巖壑寒泉芳徐入海島  
隔渺茫大藥可就天難升今者不樂將何營御風而行狗  
我情佩蘭紉蕙雜杜蘅枕石漱流調絲桐拳石可娛矧洞  
中於焉道遠以徜徉所著有賢奕稿二卷

續衣生曰予將作 祖陵往來淮陰時邵僉憲弟哲爲淮  
守出示僉憲碧雲洞賦徵獨詞麗其行書宗聖教序稱二  
絕云僉憲爲司徒即謫爲涿州逮必無能俛仰於世至爲  
辰州以卓異超遷傑然離倫而惜其未竟用也

### 知州周文化

周文化字元叔貴州衛人萬曆間灤城知縣鄧川州知州  
有治行不見知於世作蜉蝣公子問答其辭云有蜉蝣公  
子言於空谷大夫曰蓋聞沒世不稱見疾於尼父爲事無

功不信於淳髡斯傳記可考非無據不徵子大夫領郡南  
荒身爲遠臣亦旣三載於茲日月斯征矣吾見子臥不暖  
席口不齧肥手足濡於泥塗鞅勒御於艱危瘴薦之與游  
豺狼之與窺顏色憔悴年齒凋摧可謂殫心竭力正直不  
回而乃偃蹇困抑聲譽不彰士之不能輝煌薦牘奮揚乎  
天路下之不能需求次稍遷校轡於康莊而徒甘守寂寞候  
察眉睫殺人受誣盜飯起惑何抱璞若斯豈居珍有說子  
不見巧宦者乎速若羽化便若轉圜乘堅曳縞排闥叩關  
縱碧鷄之辯騁黃馬之談暮處巖穴朝入鸞班氣揣纖縷  
身移衡權羅路公行淫朋是攀方春叢零葉條寒谷成暗  
懷如風和親如醴甘靡不網戶朱綬績蜀冲雲金膏翠羽  
竒怪奪目榮過景倩富埒陶朱籍鴈鴛之稻染傾王竿之  
餘沽露鷄臠醬蜜餌拒救陳鍾按鼓齊容鄭舞軼翅碣石  
之鴻附力冀北之駟襲影響爲步驟邀未光來趨附斯非  
世俗之雄者歟故能圓者則頽頽蹶頽涕唾流沫可以獲  
遇甕牖繩樞扉門圭竇可以得志其不能者即龍翰鳳雛  
蘭薰雪白視之若游塵金玉淵海黼黻河漢遇之同土梗  
故嫫姆獻妍明妃胡語帛否專柄子胥積毀燕石昂值楚

壁墮地瓦釜雷鳴黃鍾毀棄物不在真明有所遺而子絕俗守株舍彼務此固難以取貴矣吾爲子憐之空谷大夫卬面笑曰鄙哉陋乎宵貌脆體罔超於埃壘棄輔遺轂行困於泥滓殆謂子邪聽子之爲我謀也其始也若聆桑濮之喜乂之使人志蕩志蕩而善心忘矣若視美曼之色乂之使人神移神移而正理解矣若爲隴西之游乂之使人意躁意躁而遠道悖矣若效越人之射乂之使人力竭力竭而上往阻矣聖人惡紫奪朱惡鄭亂雅子言豈合於軌者哉夫忠臣報主致身爲美節賢士行已規名爲深慙是以大易改贊乎盈在詩人垂戒乎素察明道不以計功正誼非以謀利盡粹存乎我成敗非所知而後可無愧於往哲軌道於所趨且吾燃藜節屋鑽研一經受知有司作賓鹿鳴挾策天曹分符王庭錄廩稱事繫帶寒榮將異其輸芹曝之愚也而使靜言庸遠放誕邪僻榮利蟻附蹇難鼠避弄靡泝而爲能削棘刺而爲欺搖尾乞憐甘昏夜之求內在外厲驕白日之氣貽承福所譏逃罪心所罪知谿壑可盈而罔知清議可畏斯於身圖之計較然弗爽矣語以臣道莫當也故五乘受賞祿痔則難好官足羨矣罵則盈



兼愛爲合摩頂則俾容悅可全脂韋則悞謂枉尺而直尋  
戒畫虎而類犬寧鋸刀之無割髡頑處之先薦語曰魚熊  
難兼隴蜀過望吾是以不敢以匈匈而易其行也且子習  
見者巧耳亦寧知有危道不邪方其掩人不知乘人病有  
飾貪鄙爲廉節務矯詐爲公忠樸取孔方驟獲名秩時人  
謂其多才鄙士指爲賢特及其圖窮也見水落石出器小  
致寇量滿折足勢去親背利竭交踈爨桂千斧落箕蒙族  
或謚同鴟梟或惡並檮杌家殆身頽譽墮名辱冰釋火鑠  
瞬息已暮世俗雄安在哉故宋人飾寶觀者掩口于子遭  
思王城必售王韞山輝珠含澤媚真僞枉直誠中形外是  
故晏齊以采薇流芳景公以千駟無稱顏子以屢空致譽  
盜跖以牖下殞身魯連以千金逃辱儀秦以頰舌干名屈  
原以行吟悟主范睢以游辭希君石門以奉職約已雍渠  
以刑餘駮乘賈誼以積薪流涕公孫以布被欺人申屠以  
材官蹶張武安以負貴滋橫張季以長者不阿君房以懷  
詐殄行仲舒以王道陳策克宗以口辯歸經朱雲以凋儻  
勵節禹山以泰侈望深與其行私忘忠孰愈葵藿自獻行  
無愧影與其封殖自私孰愈松栢爲心歲寒凜凜况乎升

況有數富貴有命一金之產不可偶得天爵之重胡可僥倖方朔九尺而囊粟以此朱儒蔡義僂僂而扶夾以佩相印子雲窮玄而取譏一作秋一言而蒙幸馮唐老尚爲即終軍少而充任瓜並蒂而大小殊果均枝而華實奈彼默默各有司存固冥冥厥有定分作僞者徒勞奔競者日困吾惟順造物之自然明苦節以守正雖九載不遷無一芥含愠故曰智周通塞不爲時窮才經夷險不爲世屈此之謂也以擊節而歌曰大音絢邈兮蠅咬斯陳鮑肆彌殲兮孫荃揜斧鳳皇路窮兮駕鸞騰淫以涓濁兮世路昏人旣定兮太皓明桃李何言兮塞馬何心吐吾赤衷兮無汲汲而營營蜉蝣公子聞之憮然起而拜曰嗟乎世俗之蔽也久矣釋子之言也昭然發矇吾自是乃知子矣公爲諸生時才氣鬱勃即已工吟咏宮遊燕滇間輒有稿脫組歸里中獨慕唐人五七言律隨題步韵久而成帙乃自爲引云曩予官恒山侍御粵南劉公携楚人劉洞衝唐詩三卷向予曰此子無亦楚才非歟予退而再釋其風韻垂美洞衝能操筆墨抗禮唐賢亦足誇詡二代暇時偶效爲之因自惟擬唐人詩必履其境熟其事若出彼口吻不見時代之

異不獨叔敖衣冠新豐鷄犬而後可稱唐句又必欲別出  
一意見另可景色能發唐人所未發而後可無雷同不然  
束縛步趨直更易數字便謂賡唱是殆楊太史所謂物有  
應聲者雖無作可也顧予膚淺荒踈腹如懸磬徒慕昔人  
才情啾啾亂鳴同於蟻蛭矧官同儀封人日僕僕雅拜道  
左從何高咏得出佳句以視澗衡尚遠巡未能髣髴又向  
望唐人藩籬會業已成稿不欲棄遂分爲四卷云所著有  
鄧駿稿和唐題韻紫亭雜稿歲於家  
續衣生曰予讀唐詩如杜之秋興崔之黃鶴樓李之鳳皇  
臺皆云絕唱鄧川皆有和和皆逼真體裁雋爽泐泐洋洋  
假令真之唐人集中孰唐孰明唐詩百家黔無一焉我  
明黔遂有一鄧川明風遠被眎唐宏濶矣

長史劉汝楫

劉汝楫字濟鄉宣慰司人嘉靖戊午舉人歷官長史長於  
文學所歷山川皆有紀述念貴州又淪夷服高皇帝開  
之大有所造於黔作開黔頌其亂曰夫黔省之在今也郡邑  
明列文治蔚興觀風者率以方駕中州目攝之矣第沿流  
而未遡其源惡知我高皇帝開闢神功西判洪濛首萬

古哉蓋黔與滇同爲南徼而滇尤遠乃滇之通籍自漢已  
然黔惟僅著名號條置規設未之經見也至我皇祖洪

武初命頴川侯傅友德將大兵由辰沅直擣雲南而黔之

西以定命都督胡海由永寧趨烏撒而黔之北以定命江

陰侯吳良克平銅鎮溪洞百餘砦而黔之東南以定始建

行省扼三藩之吭爲縮轂之衢第旋服旋叛卒無寧歲復

屢廟畫詔徙江南六郡良家子三戶槩一以實黔中武

衛又詔天下游商隨在隸民籍不則勒令編伍綠黔中

夷貊之區萃都夏冠裳之族重以列聖相承道化熙洽

肆習奕闇昧得耀光明迄今風氣日開人文漸朗其中甄

產實自上國而來然其地則本靡莫也其夷則猶羅施也

竹賁蠻羈之輩得無仍此以蒙詬邪乃我高皇帝睠時

茲土矯矯龍造旁魄昭回良有不吝過佚者臣敢再述其

詳黔中孔道惟三楚入自鎮遠滇入自普安蜀入自永寧

咸設衛禦以達會者其中郡邑悉自洪永時奉詔隸籍者

絕無土著之人獨思石黎平界在楚蜀稍有十之二三此

外則亡已且自洪永以後如鎮寧都凱諸苗不時爲梗幸

惟郡衛守禦絕無非族乃得據要害以撲滅之倘使夷漢



錯居竊伺倚鑰又將若宋元以前三藩孔道阻闕不通矣  
曷有今日乎第有謂六詔百粵亦多自國中徙也而夷有  
徭楚鱗介而冠裳侏儻而弦誦矣黔胡不然豈知黔中夷  
獠峴峒阨塞醜類最殊故若徭若楚漢唐時已知效順獨  
此類也者迨國朝以天威震疊之屯衛戍守之乃克臻  
此昔人云事有不可類推者螺螄負螟蛉奔蜂不能化羗  
蠋今若以滇粵之夷與黔較較是執螺螄而期羗蠋以速  
化矣竊又辟之植五穀然始也第豐草而種黃茂繼則黍  
稷茂而荼蓼朽此盛則彼衰非謂化荼蓼爲黍稷也黔之  
爲黔蓋如此總之聖祖來遠之識遠徙之勞開創之烈  
皆遐陬萌庶所當繹思而宣揚者也謹拜手稽首爲之頌  
曰粵稽在昔實繫鬼方稗史有紀厥顛惟徒歷代羈縻罔  
入版章洪惟皇祖聖武奮揚望風授首銜璧來降蠢爾  
巨測或時跳梁乃詔南郡子弟惟良徙實黔服本固幹  
強累朝化洽滌熾寔昌彬彬文物靈萃五方地故荒徼人  
實中邦緣我聖祖明哲遠遑遷茲有衆控扼殊疆作屏  
攘剔坦彼周行名藩雄峙聲聞洪荒先天開人太皞軒黃  
百千萬禩頌德靡忘豈故有聖泉日百盈百竭御史王杏

爲之賦汝楫復爲之記記曰黠筑聖泉遊者步自西郭沿溪流躡石磴可五里許嘗疊石壘嶂中一泓自石罅迸出匯爲方池日每潮汐無停好事者置石鼓其內潮溢咫餘下至鼓之半而止通晝夜計之凡百次弁州錄名百刻泉一統志稱靈泉太抵泉名自人其百刻爲期則亘古無易也余自髫年遊其地每借巖詫之第私心又謂他境有然者亦不甚異也迨後周覽吳楚燕齊之墟歷攷職方紀載乃知聖泉靈異獨黔筑爲然允矣大塊中竒絕也蓋宇內名泉若湯泉火井瀑布的突諸類洎陸羽所品次靡可倣指特壤界色味稍劣而無潮汐惟漳浦瑞湖侯官潮泉類山應潮連州潮泉固亦消長有期而其地瀕海乃緣海爲朝夕泉不得與也若池陽潮泉竟貢三潮安寧海眼樂平鳳游荆門蒙泉彬州潮泉吾鄉龍驛潮井去海懸絕似與聖泉爲伍第被潮候僅再至三至亦未有百刻消長別具一素齋者則聖泉之靈且異在別境寧復有此乎觀者探其故莫測或謂如漢陰丈人所云其中有機械焉余曰泰山磐石莫當雷水謂其久則陵夷也按泉志迄今二百餘禩即機械竇中水石衝激安能百年無故此其說無當已

余意寰中地形若人一身其在西南昆詔其首中原其腹青冀其足也黔筑居首下腹上當以吮名夫吮於人身蓋神明之關也是故環四海周八埏精靈之竅獨于黔筑發之而有聖泉之異理固然哉或謂地域廣輪周知紀極聖泉為水耳何獨于此望靈竅曰礎潤而露露至壺水而巨澤堅亦固可以驗大且堪與家驥踰駘龍脉蜿蜒千里外玄鐵所注不越毫芒勺水雖微不函地軸邪抑又聞昔人志水樞繫以材品測香辨味則異產可卜焉聖水良異矣

將不有苞奇毓秀不顯地靈俾之雄視西南為寓內一大式廟而與斯泉相符應乎即今省郡規撫曰恢人文競曜其兆蓋可徵也余敢識此以俟庶後有睹驗不謂今日無前識云公從其子元清宦齊魯作東省三圖紀元清今為

景東同知

蠟衣生曰焦氏類林云安寧州潮泉一日三溢三燕連州水下流有斟溪一日十溢十竭貴州城外有漏洩一日百盈百竭應刻漏乃又名百盈泉予暇日與宋方麓柱史往觀之倏盈倏竭偶雨集井溢僕夫趣歸言百舉成數也

余意寰中地形若人一身其在西南昆詔其首中原其腹  
青冀其足也黔筑居首下腹上當以皖名夫皖於人身蓋  
神明之關也是故環四海周八埏精靈之竅獨于黔筑發  
之而有聖泉之異理固然哉或謂地域廣輪囷知紀極聖  
泉為水耳何獨于此呈靈竅曰礎潤而露霑至壺冰而巨  
澤堅凍固可以驗大且堪輿家講躡龍脉蜿蜒千里外  
玄鐵所注不越毫芒勺水雖微不函地軸邪抑又聞昔人  
志水樞繫以材品測香辨味則異產可平焉聖水良異矣  
將不有苞奇毓秀至顯地靈俾之雄視西南為寓內一大  
式廓而與斯泉相符應乎即今省郡規撫日恢人文毓曜  
其兆蓋可徵也余敢識此以俟庶後有睹驗不謂今日無  
前識云公從其子元清宦齊魯作東省三圖紀元清今為

景東同知

續衣生曰焦氏類林云安寧州潮泉一日三溢三蕪連州  
水下流有斟溪一日十溢十竭貴州城外有漏洩一日百  
盈百竭應刻漏乃又名百盈泉予暇日與宋方麓柱史往  
觀之倏盈倏竭偶雨集井溢僕夫趣歸言百舉成數也